



UNIVERSITÄTS-  
BIBLIOTHEK  
PADERBORN

**Historia Pelagiana Et Dissertatio De Synodo V.  
Œcumenica In Qua Origenis ac Theodori Mopsuesteni  
Pelagiani erroris Auctorum justa damnatio exponitur, &  
Aquilejense Schisma describitur**

**Noris, Enrico**

**Patavii, 1708**

Præfatio

---

[urn:nbn:de:hbz:466:1-72486](https://nbn-resolving.org/urn:nbn:de:hbz:466:1-72486)



# PRÆFATIO

A D

## VINDICIAS AUGUSTINIANAS.



Eminem non mirari existimo, tantam fuisse quorundam recentium Scriptorum, ut mitissime loquar, animositatem, quâ Augustinum maximum illum Catholici Orbis Magistrum editis libris impetere ausi sunt, ut ejusdem defendendi necessitas iis imponatur, qui illum impensius colunt. Et quidem jam indè ab exorientis mali primordiis Majores nostri, qui ex vitæ instituto Augustinum uti parentem sanctissime reverebantur, erumpentem novorum censorum audaciam reprimere conati sunt. Ludovicus ab Angelis insignis apud Olyssiponenses sacrorum arcanorum interpretes Sancti Doctoris auctoritatem à plurium calumniis vindicavit, & Sanctorum Patrum elogia eidem ob Pelagianos, ac Semipelagianos expugnatos delata singulari diligentia congestit, undè postea eadem ceteri mutuarunt. Sed cum malum quotidie glisceret, atque in Scholasticis Recentiorum quorundam disputationibus Augustini doctrina in iis præsertim quæstionibus, quas cum divinæ gratiæ hostibus idem habuerat, passim traduceretur, ita ut Summus Ecclesiæ Doctor in ordinem propediem reducendus videretur, Basilius Pontius Legionensis magnus apud Salmanticenses Theologus non modò suos Augustinenses, verum etiam sapientissimos Dominicanæ Familiæ Patres, ipsamque Salmanticensem Academiam in Augustini partes traxit, quo veluti succenturiato præsidio Sancti Doctoris auctoritas adversus Recentiorum impetus muniretur. Hinc Pontio auctore Salmanticæ anno 1627. famosum illud fœdus ictum est, eâ præcipuè conditione, ut qui Theologicâ laureâ donandi forent, concepto prius juramento Augustinianæ

doctrinæ defendendæ sese adstringerent. Eo nobilissimæ Academiæ factò Augustinianæ auctoritati satis consultum videbatur, præsertim cum sacra etiam Lovanensium Theologorum Facultas jam pridem in Augustini verba jurasset. Cæterum exortis Jansenianis dissidiis plerique longè acerbiora contrà Augustinum & loqui, & scribere non extimuerunt. Non defuere tamen ex nostrâ Familiâ viri, qui magni Parentis partes acerrimè defensarent. Hos inter emicuit Pater Carolus Moreau Gallus, qui Tomo primo suarum in Tertullianum Animadversionum satis prolixas vindicias pro Augustino inseruit, quod itidem antea præstiterat vir insignis Joannes Rivius Belga libro quarto de Vitâ Augustini. Sed profectò nostros hosce Scriptores & laterem lavisse, & surdis cecinisse experti sumus; tantum enim abest, ut illi ab incœpto destiterint, ut majori longè apparatu, atque infestioribus armis in Augustinum moverint, hæc adversus Hipponensem Doctorem scripturientes: *Augustini doctrinam obscuram, difficilem, intricatissimam, secum ipsam pugnantem, pluribusque erroribus obnoxiam esse. Postum illum sub caligine. In Pelagianis oppugnandis ultra veritatis limites astu disputationis abreptum. Licetum esse nedum juicem, sed ne arburum quidem honorarium in controversis de divinâ gratiâ illum admittere. Ipsius arma non esse inexpugnabilia, neque satis apta ad Calvinistas superandos. Hæreticorum argumentis minime satisfecisse, neque positas abs se theses convincentibus argumentis comprobasse. Non esse sepeliendam Scholasticam, ut unus regnet Augustinus, sed hunc ipsum ad Scholasticæ amissim exigendum. Ridiculos Augustini adoratores ad nauseam hyperbolicas incundem laudes*

Lib. 5.  
de vita  
Aug.  
cap. 14.  
et 15.

Potius  
in A.  
polg.  
jur. am.  
Salmã.



des congerere. Volentem impugnare Augustini  
sententias habiturum adiutorem Deum. Hæc,  
aliave penè innumera addidere, quæ in  
calce hujus apologetici referemus. Ferunt,  
Cræsi Regis filium à puero mutum, cum  
parentis jugulum stricto mucrone impeti  
ab hoste cerneret, ruptis de repente mise-  
rantis naturæ impetû perpetui silentii vincu-  
lis exclamasse: *Αὐθροπε, μή κτείνῃς Κροῖσον.*  
At nos, quibus integer loquendi usus  
est, Augustinum parentem optimum, doc-  
tissimumque novorum Censorum scriptis im-  
punè lacerari permittemus, & illis qui-  
dem mille conviciorum plaustra in Sanc-  
tum Doctorem congerentibus, nos eadem  
citrà querelas plenis auribus excipien-  
tes, ansati pacem servabimus, quasi ea  
nos nihil tangant? Degeneres sanè, ac  
spurii censendi essemus, imò amentes  
prorsus, vel saxei, si in tanto Parentis  
discrimine stylo parceremus, qui & esse,  
& haberi volumus Augustiniani. Patris  
honor lacefitur: pietatis est eundem ab  
adversariorum dictis vindicare. Ecclesiæ  
Magistri doctrina impetitur: fidei est illam  
à quorumcumque impetu asserere. Divi  
fama decurtatur: religionis est eandem  
sartam testamque servare. Quorum  
ergo criminum rei evaderemus, si vulga-  
ri fortè adversariorum æstimatione, aut  
eorum, qui eisdem suam vendidere fidem,  
auctoritate coerciti injustas adèd in Au-  
gustinum peractas censuras surdâ aure  
pertransiremus. Diu quidèd siluimus, pri-  
vatisque querelis ingentem animi dolorem  
egerere curavimus, meliorem hisce homi-  
nibus ergà Augustinum mentem compre-  
cantes. Sed nihil profecimus patientiâ,  
nisi ut graviora tanquam de facili toleran-  
tibus ingererentur; unde pejora in dies  
audientes, jam tandem quantulumcumque  
hanc nostram advocationem Augustino  
commodare coacti sumus. Neminem ve-  
rò adèd pietatis, ac religionis expertem  
futurum arbitror, qui hocce apologeticum  
torvis oculis intueatur, nigrumque eidem  
theta præfigat. Etenim, ut olim ad  
Constantinum Augustum Lactantius scrip-  
sit, *Si sacrilegis, & proditoribus, & venefi-  
cis potestas defendendi sui datur, nec prædam-  
nari quemquam incognitâ causâ licet, non in-  
justè petere videmur ut Augustino, qui ve-  
lutî Christiani Orbis deliciae, teste Sancto  
Cœlestino Papa, ubique cunctis & amori  
fuerit, & honori, aliquis sit defensionis lo-  
cus. Nam pessima foret nostrorum tem-  
porum] conditio, si Augustini censoribus  
utraque auris daretur, eorumque injurio-*

Herod.  
lib. 2.

Lib. 5.  
Iustit.  
c. 1.

sa nimum Augustino volumina per ora,  
manusque hominum volitarent, & Sancti  
Doctoris defensores non modò inauditi  
iudicio excluderentur, verùm etiam eil-  
dem silentium latâ lege indiceretur. Im-  
mane, ac barbaræ prorsus feritatis exem-  
plum fuerit, cum Rhadamistus Tyranno-  
rum truculentissimus Mitridatis Armenio-  
rum Regis filios, quòd *parentum cadibus il-  
lacrymaverant*, trucidavit. Iniquus sanè  
iudex sis, qui Patre nostro mille convi-  
ciis lacefito, ut Hieronymi verbis utar,  
*ne gemitum quidem, ac lacrymas dolori libe-  
ras esse concedis.* Legimus, cum Nerone  
imperante virtus omnis pro crimine habe-  
retur, Aruleno Rustico, ac Herennio Se-  
necioni, quòd innocentissimos, ac sapien-  
tissimos cives laudassent, *capitale fuisse, ne-  
que in ipsos modò auctores, sed in libros quo-  
rumque eorum scivitum.* Sed absit, ut hoc fa-  
cinus nostri sæculi sit, vel exempli: ne-  
que enim homines ab avità erga Divos  
religione adèd recessisse putandi sunt, ut  
Augustini laudes indignantes audiant, at-  
que editum hunc nostrum pro eodem li-  
brum iratâ manu discerpant. Magnus  
Stoicæ sectæ professor Seneca meritò im-  
pias Præxaspis Persarum Satrapæ voces  
execratur, qui cum citrà gemitum sub  
oculis transfigi sibi filium à Cambyse Re-  
ge vidisset, ab eodem interrogatus, num  
certo icu pransus ad scopum collimaret,  
Tyranni dexteram filii sanguine cruentam,  
fumantemque per detestabilem adulatio-  
nem laudavit, paremque in sagittando  
Apollini illam dixit. Itane corpore, sed  
magis animo servi exemplum secutis, no-  
vorum Censorum manus, quas stylis ar-  
matas Augustino intulerunt, laudibus,  
imò & osculis nobis implendæ erunt? Ho-  
minum, quàm Divorum amantiôr hanc  
nobis iniquissimam legem imponet, àquâ  
tamen nos liberos esse scimus, quippè qui  
ad Augustini defensionem suscipiendam  
Apostolicæ Sedis decretis impellimur, qui-  
bus refragari sit nefas. Cum Pelagiani  
veteres illi Augustino-mastyges literas quas-  
dam publicassent, in quibus Sanctus Doc-  
tor pessimè traducebatur, Bonifacius Pon-  
tifex indignatus doctissimi viri nomen  
quoquam convicio pulsari, easdem hæreti-  
corum literas ad Augustinum per Alipium  
deferendas curavit, quòd se ab impostor-  
um calumniis vindicare posset. Hinc  
amantissimo Patri scribens Augustinus, *ago ad Bo-  
nifacium gratias, inquit, sincerissima in nos be-  
nivolentia tua, quòd eas me latere noluisse li-  
teras inimicorum gratia Dei, in quibus repe-  
risti*

Tacit.  
lib. 12.  
Anat.

Apol. 2  
contra  
Ruf.

Tac. in  
prefat.  
ad rutâ  
Agric.

Lib. 3.  
de Ira  
cap. 14.

Lib. 2.  
ad Bo-  
nifac.  
cap. 1.



Inpræf.  
contra  
Collat.

visti nomen meum calumniosè, atque evidenter  
expressum, sed spero de Domino Deo nostro,  
quod non sine mercede, quæ in cælis est, illi  
me lacerant dente maledico. Sed & Bonifa-  
cii successor Coelestinus ejusdem sanctissimi  
Doctoris honori optimè consultum voluit.  
Siquidem vix Augustino inter superos re-  
lato nonnulli, quorum teste Sancto Pros-  
pero nec ordo in Ecclesiâ, nec ingenia despicien-  
da videbantur, eidem in Gallis petulanter  
obloqui, illiusque libros censoriâ aucto-  
ritate examinare ausi sunt, qui cum es-  
sent, eodem Prospero auctore, bonæ opi-  
nionis viri, habentes speciem pietatis in studio,  
Hipponensis Magistri famam, ac doctri-  
nam in incertum discrimen traxissent, ni  
Coelestinus gliscenti malo præsentissimo re-  
medio obviam ivisset. Etenim ubi adver-  
sariorum machinationes delatoribus Pros-  
pero, & Hilario cognovit, literas ad Gal-  
liarum Antistites dedit, queis eisdem in-  
dignatus, quod Augustinum impune per-  
celli permitterent, Timeo, inquit, ne con-  
trivere sit hoc tacere, ne magis ipsi loquantur,  
qui permittunt illis taliter loqui. In talibus  
causis non caret suspitione ratiurnitas, quia oc-  
curreret veritas, si falsitas displiceret; meritum  
namque causa nos respicit, si cum silentio fa-  
veamus errori. Ergo corripiantur hujusmodi,  
non sit bis liberum habere pro voluntate sermo-  
nem. Dein totus in Sancti Augustini du-  
dum sibi, cum in vivis esset, amicissimi  
laudes effusus, Augustinum, inquit, sanctæ  
recordationis virum pro vitâ suâ, atque meritis  
in nostrâ communionem semper habuimus, nec  
unquam hunc sinistra suspitionis saltem rumor  
asperxit, quem tanta scientia olim fuisse memi-  
nimus, ut inter Magistros optimos etiam à meis  
semper decessoribus haberetur. Bene ergo de eo

omnes in commune senserunt, utpote qui ubi-  
que cunctis & amoris fuerit, & honori. Unde  
resistendum talibus, quos malè crescere videmus.  
Jubet ergo Apostolica Sedes, ut Augustini  
censores corripiantur, non sit bis liberum ha-  
bere pro voluntate sermonem; latâ lege etiam  
sancit, resistendum talibus. Hoc sanè vete-  
res Augustinianæ Scholæ proceres Prosper,  
Fulgentius, Cæsarius, Prudentius, Rhe-  
migius eruditione æquè, ac sanctitate per-  
celebres magno animo executi, Augustini  
scripta contra Semipelagianorum, aliorum-  
que insultus defenderunt. Hoc ipsum plu-  
rimi Recentiores summâ cum laude præsti-  
terunt, quorum omnium studia vicit exi-  
mius P. Macedo tot pro ejusdem Patris do-  
ctrinâ in lucem libris emissis. Quare Pon-  
tificiis mandatis obtemperans, tantorum-  
que Patrum exempla licet longo positus in-  
tervallo secutus recentiores quosdam Au-  
gustinianæ doctrinæ censores in jus vocare  
decrevi. Quod quidem judicium majori,  
quâ potero modestiâ, prosequar: nunquam  
enim meliorem causam fecit petulantia di-  
centis, sed sæpè pejorem. Amici mihi illi  
sunt, sed usque ad aras, usque ad Augus-  
tinum meum. Omnia præteribo, quæ mi-  
hi acerbiora dictu videbuntur, neque so-  
lùm quid illos audire, sed etiam quid me  
deceat dicere, considerabo. Quod si quid-  
piam fortè amarulenti exciderit, id propria  
tribuant importunitati, quâ nos in eam ne-  
cessitatem conjecere, ut sine graviore quan-  
doque censurarum reprehensione vix possi-  
mus Augustinum pro dignitate defendere.  
Hic interim liber, ut Taciti de Agricola scri-  
bentis sententiâ utar, honori Augustini P. N.  
destinatus, professione pietatis, aut laudatus erit, Agric.  
aut excusatus.

Inpræf.  
ad vii.





VIRGILIUS *Aeneid. X.*

Socii magno clamore sequuntur:  
Dum Genitor nati parma protectus abiret.